

家乘摘要選鈔

手抄本

二冊

皇清 貽封太宜人楊太宜人墓誌銘并序

太宜人姓楊氏故國子監學錄 貽贈奉直大夫趣山林先生
側室現任刑部員外郎軍機處行走 記名御史林君揚祖
之本生祖母也。以孫官主事 貽封太安人。 覃恩晉太宜
人。趣山先生諱景來配黃宜人。未有子。太宜人生子諱錫齡
是為揚祖之父。揚祖與嘉端同年舉進士官京師。晨夕過從
以詩文相切劘。因患其家事。趣山先生中乾隆甲午科舉人
少貧。困有文名。從遊日眾。晚年以脩脯所積營生。塋修宗祠
復祭業恤族黨。黃宜人早歿。皆太宜人為內助。揚祖生三歲。

趣山先生捐館。又四年。其尊人即世。揚祖失足斷左臂。抱疴
三四載。二弟相繼殤。太宜人與婦翁宜人茹苦含辛。支持門
戶。無日不在憂勞中。初揚祖失怙。母翁宜人誓以身殉。太宜
人責以撫孤大義。再三解救。乃免。揚祖自言幼好弄。母氏親
授六經句讀。每有惰嬉。受扑撻。太宜人既哀孫之愚。又不忍
阻婦之教。多方激勸。加以涕零。祖孫母子相抱而哭者屢矣。
鄰里聞之。為生悲感。家益窘。太宜人姑婦每食。必審薯代米。
且日不再食。惟不使揚祖少有飢餓。寒夜課讀。並勤女紅。三
人共太宜人眼昏。猶作活計。日得錢三十。以佐用。所不足。

揚祖既仕將迎養太宜人謂京官祿微不能養全家不果往
自興翁宜人在家經理庶務澹泊自甘數十年如一此揚祖
官刑曹太宜人教以寬平勿得情而喜及入直樞垣又教以
居要地宜慎密勿持祿養交往歲典試粵西又教以宜嚴去
取搜落卷如忘昔日辛苦每有家書皆母翁宜人親筆述太
宜人誨誠累千言嘉端時得寓目益深欽仰壬寅春杪揚
祖聞太宜人精神漸衰飲食驟減急呈樞相代乞終養即束
裝歸是秋嘉端來視閩學聞揚祖到家時太宜人體尚健猶
得聚首言歡旋成噎膈揚祖侍湯藥月餘太宜人以道光二

十二年八月二十六日戌時壽終。距生於乾隆二十五年七月十三日午時。享年八十有三。其明年卜葬於莆田縣南門白沙九龍山北俗名伏地虎山之麓。塋坐巳向亥。兼與乾先是趣山先生與黃宜人合葬。祔其先考杏村先生妣陳孺人墓側。今葬楊太宜人於其域異墓禮也。楊祖尊人兆亦在山後。相去各百餘步。將葬。楊祖書來乞銘。嘉端既與楊祖同年。趣山先生又為先大父鄉試同年。又相知最深。得之聞見者。均詳而實。且表章名節。學臣責也不敢辭。太宜人子錫齡國學生。先太宜人卒。贈如楊祖官。孫楊祖。道光己丑進士官。

員外。記名御史。曾孫五。壽熙。優廩生。壽烈。業儒。壽煦。增生。
壽燕。附生。壽照。幼讀。曾孫女二。一許字國學生盧君銘勳。次
子繼昌。一許字舉人翁君煥。孫三子濟勳。元孫以培。壽熙出
以增。壽烈出。銘曰。
閩南有嘉果兮。旁挺而帥生。孫枝茂實。以扶和兮。雨露發其
芽。萌木蘭之水清且泚兮。長護夫佳城。

賜進士出身 誥授中憲大夫 南書房行走翰林院侍讀學士
提督福建學政大興李嘉端謨文

賜進士出身 勅授文林郎翰林院編修教習庶吉士前提督學

政聞縣王慶雲書丹

宋鍾鳴鏑

清

貤封太宜人

晉贈恭人林氏生祖母楊太恭人墓誌銘

咸豐元年春三月河南開歸陳許兵備道林君揚祖函告池養以
夏五月日將改葬生祖母楊太恭人於白沙東方山之麓丐為之
銘池養不文不可以辭太恭人楊氏故國子監學錄累貤贈中憲
大夫趣山先生之蓮室先生嫡配黃恭人無子娶太恭人舉一子
為累贈中憲大夫眷祚先生配翁恭人生觀察兄弟三人觀察生
三歲而趣山先生歿又四歲而眷祚先生亦歿二弟繼殤太恭人
與翁恭人姑媳相依共撫一孫以育以誨觀察既冠而有聲黌序
鄉經師授徒數盡師道於是鄉里藉稱太恭人暨翁恭人之賢

不置觀察以邑廩生充道光乙酉拔貢生。中本省鄉試第一。己丑捷禮部觀政刑部。時所居厚階比舍不戒於火。太恭人偕翁恭人泥首籲天。火越其門而過。觀者察請假歸省。再入都。軍機處行起記名御史。聞太恭人暮年得恙不能食。亟乞養歸。假既歸而太恭人痊。可知常逾月無疾而逝。方觀察之幼而孤也。家門零落。姑媳二人以十指所得贍家。俾觀察專志苦讀。觀察既貴而太恭人暨翁恭人儉約如舊待人。無疾言遽色。尤其德之厚。為戚里所稱也。楊太恭人初葬伏虎祖山。今改葬東方山。與初葬近一里。墓向乙辛兼卯酉。其初葬也。李鏡梅學使者實為之銘。今池養

則道其為里閭所傳誦者太恭人享年八十有三子一錫齡國子
生贈如揚祖官孫男一揚祖今河南開歸陳許兵備道曾孫男五
壽熙優貢生教諭壽烈壽煦廩生壽燕附生早卒壽照曾孫女二
一適舉人截取知縣翁君煥孫三子濟一許字即用州同盧君銘
勲次子繼昌元孫男以培壽熙出以增以坤壽烈出以均以坊壽
煦出以垣壽燕出元孫女一銘曰
嗚乎坤德之敦藏於白沙之原以昌其子孫
賜進士出身文林郎前直隸武邑縣知縣愚再姪陳池養頓首拜
撰並書

皇清誥封太夫人 晉封一品太夫人莆田林氏 欽旌節孝 題表

五代同堂翁太夫人墓誌銘

太夫人姓翁氏故國學生 誥贈通奉大夫 晉贈光祿大夫林

諱錫齡眷祚府君之配也以子官布政使 誥封太夫人隨帶加

三級 晉封一品太夫人其子楊祖與先大夫鄉試同年同官刑

部余在史館時每奉先大夫命到年伯寓齋有所商問質疑晨夕

相過從因得聞太夫人母教甚詳歲壬申余蒞閩浙總督任聞太

夫人年九十以疾卒於家時楊祖已休官十年在家終養疾侍湯

藥歿視含殮閩之士民婦孺無不知莆田有林氏節母翁太夫

人者甲戌夏楊祖致書省署告余以將葬太夫人請余為墓誌余
謂太夫人苦節天鑒其誠錫之以福矣人服其正歸之以名矣子
孫世守書香同堂五代節孝貞壽疊膺坊表褒旌矣無俟余贅
言惟太夫人教子之賢有非可一言盡者余宜以所聞誌之於石
當贈公捐館時楊祖七歲而孤太夫人年甫二十三以身殉焉
先嫡姑救之懸絕而甦本生姑楊太夫人婉轉勸諭責以撫孤大
義遂矢志奉姑教子兩寡相依無日不在艱難辛苦中家雖窘必
請年高德邵者為之師太夫人幼讀書知經史仍親授楊祖經書
如如日為之講說敬姜勞逸論歐陽文忠龍岡所表又將左氏傳

中人名分善惡以朱墨為之識曰童子讀書識如人名須先令其
知好醜定從違年伯告余曰至今家中訓蒙必令先讀戴禮後讀
左氏春秋皆吾母垂訓定為家法也楊祖初筮仕官刑曹太夫人
必寄書教以不可專顧考成革率讞獄入直樞垣太夫人寄書又
教以不可廣聲氣失機密官臺諫巡視北城時寓之門題長句
聯曰敢謂口絨金意本如城先即固但教心比水門雖近市不知
囂余問年伯科道有言責何作此聯句年伯告余曰吾母屢寄書
來謂言官須敢言不可妄言當行直不宜曲直未仕時即常教以
學富鄭公守口防意至今誌之不敢忘故楊叔御史任內祇一請

勅部提山東要案一論閩省夷務給事中任內惟條陳一疏謂德
進言揚必如事舉此外無多言也及出任司道太夫人就養河南
適髮逆蔓延擒匪揭擄揚祖守城禦寇緝匪誅奸皆太夫人督之
責之迨余官汴省屬吏士民猶有能言其始末者然則太夫人言
行雖士大夫猶有不易能者悉數之將更僕難終表潛德發幽光
持使節是邦者事也烏可不為之誌太夫人以同治十一年十一
月二十四日辰時壽終內寢距生於乾隆癸卯年正月二十五日
亥時享年九十壽子揚祖道光山西拔貢本科解元己丑進士以
主事用分刑部軍機處行走升員外轉御史給事中出任河南觀

察升按察使。調陝臬。升布政使。調甘藩。奉

特旨署陝甘總督。因

太夫人年老。奏請終養。蒙

聖恩。賜假回籍。侍養。

太夫人孫男七。

長壽熙。優貢生。官陝西潼關撫民同知。先卒。次壽勳。試用訓導。三

壽煦。舉人。內閣中書。四壽燕。邑優行生。早逝。五壽照。現任戶部主

事。六壽杰。未授室。早亡。七壽魯。幼讀。孫女二。一適試用訓導翁濟。

一適浙江候補同知盧應昌。曾孫十五。長以培。官陝西補用縣丞。

次以增。邑庠生。早逝。次以坤。俱郡廩生。次以均。邑庠生。早逝。次以

圻。郡庠生。次以埤。業儒。以坪。以塘。以壇。以埕。以坦。幼讀。以墳。以堤。

以塢。俱幼。曾孫女三。長適屏山。業儒。陳行仁。次安姐。榮姐。許字未

適元孫十二仁鏡仁銘仁鏐仁鑑仁鍵仁鐘仁鏞仁鎮仁鏗仁銓
仁鏗仁銓俱幼讀元孫女六俱幼太夫人墓在莆邑南鄉九龍山
之麓與楊太夫人同域異墓坐山向辛兼卯酉距眷祚贈公墓未
半里望之可見猶之乎同域也銘曰琢玉成器嚴以濟慈九熊畫
款母且兼師三德家振一品衣披昌熾臧壽子孫穀詒墓門松柏
表節操兮發奕葉之本枝

賜進士出身

誥授光祿大夫兵部尚書兼都察院右都御史閩浙總督部堂加

三級年愚再姪李鶴年頓首拜撰文